

Deus meus, de commún. non Pont. pag. xvi.  
 Virg. & Mart. pag. xix.  
**XXIII. NOVEMBRIS.** In festo S. Cleméntis Pa-  
 pæ & Mart. Epist. Fra-  
 tres, Imitatóres mei estó-  
 te, ut in **Domínica xxiii.**  
 post **Pentecósten.** pag.  
 160.  
**XXIV. NOVEMBRIS.**  
 In festo S. Joánnis à Cru-  
 ce **Conf. Epist.** Beátus  
 vir, ut in **commún. Conf. Martyr. Pont.** pag. i.



**XXV. NOVEMBRIS.** In festo S. Catharinæ V.  
 & M. Epist. Confitébor  
 tibi Dómine rex, de  
 commún. unius V. & M.  
 pag. xviii.  
**XXVI. NOVEMBRIS.**  
 S. Petri Alexandrini Ep.  
 & Mart. Epist. Charís-  
 simi, Beátus vir, qui  
 suffert, de **comm. unius**  
**Martyr. Pont.** pag. i.

COM-

**C O M M U N E**  
**S A N C T O R U M .**

**IN VIGILIA**  
 unius Apóstoli.

**Léctio libri Sapiéntiæ.**

Ecl. 44. c

**B**enedíctio Dómini  
 super caput justi.  
 Ideò dedit illi Dó-  
 minus hæreditâtem, & di-  
 vísit illi partem in tríbu-  
 bus duódecim: & invénit  
 grátiam in conspéctu om-  
 nis carnis. Et magnificâvit  
 eum in timóre inimicó-  
 rum, & in verbis suis  
 monstra placâvit. Glori-  
 ficâvit illum in conspéctu  
 regum, & jussit illi coràm  
 pópulo suo, & osténdit  
 illi glóriam suam. In fide  
 & lenitâte ipsius sanctum  
 fecit illum, & elêgit eum  
 ex omni carne. Et dedit  
 illi coràm præcépta, &  
 legem vitæ, & disciplinæ:  
 & excésum fecit illum.  
 Státuit ei testaméntum

ætérum: & circumcínxit  
 eum zona justítiæ, & ín-  
 duit eum Dóminus corô-  
 nam gloriæ.

**IN NATALITIIS**  
**Apostolôrum & Evange-**  
**listârum, Epist. ut suis lo-**  
**cis in Próprio Sanctôrum.**

**IN COMMUNI**  
 unius Mart. Pontif.  
**Léctio Epístolæ B. Jacó-**  
**bi Apóstoli.**

Jac. 1. b

**C**haríssimi, Beátus  
 vir, qui suffert  
 tentatióem: quó-  
 niam cum probâtus fúerit,  
 accípiet corónam vitæ,  
 quam repromísit Deus  
 diligentibus se. Nemo cum  
 tentâtur, dicat quóniam  
 à Deo tentâtur. Deus  
 enim intentâtor malôrum  
 est: ipse autem néminem

Gg 2

ten-

tentat. Unusquisque verò tentatur à concupiscèntia sua abstractus & illéctus. Deinde concupiscèntia cum concéperit, parit peccatum: peccatum verò cum consummátum fuerit, generat mortem. Nolite itaque errare fratres mei dilectissimi. Omne datum óptimum & omne donum perfectum desúrsùm est, descéndens à Patre lúminum, apud quem non est transmutatio, nec vicissitudinis obumbratio. Voluntariè enim genuit nos verbo veritatis, ut simus iníitium áliquod creaturæ ejus.

**DE EODEM  
communi ália Epístola.  
Lectio Epístolæ B. Pauli  
Apóstoli ad Corínthios.**

<sup>2</sup> Cor.  
1.

**F**ratres, Benedíctus Deus & Pater Dómini nostri Jesu Christi, Pater misericor-

diarum, & Deus totius consolatiónis, qui consolatur nos in omni tribulatióne nostra: ut possimus & ipsi consolári eos qui in omni pressúra sunt, per exhortatióne qua exhortámur & ipsi à Deo. Quóniam sicut abundant passiones Christi in nobis: ita & per Christum abundat consolatio nostra. Sive autem tribulamur, pro vestra exhortatióne & salute: sive consolamur, pro vestra consolatióne, sive exhortámur, pro vestra exhortatióne & salute, quæ operatur tolerantiam earúndem passionum, quas & nos pátimur: ut spes nostra firma sit pro vobis: sciétes quòd sicut sócii passionum estis, sic éritis & consolatiónis: in Christo Jesu Dómino nostro.

Epís-

**Epístolæ pro Pontific. & Martyr. assignatæ, legi possunt étiam pro Martyr. non Pontific. Et quæ infra habentur de Martyr. non Pontific. étiam pro Martyr. Pontif. Item, pro Martyr. Pontific. legi possunt Epístolæ inférius assignatæ pro Conf. Pontific.**

**Epístolæ étiam quæ in una Missa de eodem communi ponuntur, dici possunt in aliis Missis de eodem communi.**

**IN COMMUNI  
unius Mártiris non  
Pontificis.**

**Lectio libri Sapiéntiæ.**

Sap.  
10. b

**J**ustum deduxit Dóminus per vias rectas, & osténdit illi regnum Dei, & dedit illi sciéntiam sanctórum: honestavit illum in laboribus, & complévit labores il-

lius. In fraude circumveniéntium illum affuit illi: & honestum fecit illum. Custodivit illum ab inimicis, & à seductóribus tutavit illum, & certamen forte dedit illi ut víceret, & sciret quóniam ómnium poténtior est sapiéntia. Hæc venditum justum non dereliquit, sed à peccatóribus liberavit eum; descenditque cum illo in fóveam, & in vinculis non dereliquit illum, donec afferret illi sceptrum regni, & poténtiam advérsus eos qui eum depri-mébant: & mendaces osténdit, qui maculavérunt illum: & dedit illi claritatem ætérnam, Dóminus Deus noster.

DE

**DE EODEM**  
**communi alia Epistola.**  
**Lectio Epistolæ B. Pauli**  
**Apóstoli ad Timóth.**

2. Ti.  
 mol. 2

**C**harissime, Memor esto Domini Jesum Christum resurrexisse à mortuis ex semine David, secundum Evangelium meum, in quo laboro usque ad vincula, quasi male operans: sed verbum Dei non est alligatum. Ideò omnia sustineo propter electos, ut & ipsi salutem consequantur quæ est in Christo Jesu, cum gloria cœlesti. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionis: quæ mihi facta sunt Antiochiæ, Iconii, & Lystris: quales persecutiones sustinui, & ex omnibus eripuit me Dò-

Cap.  
 3. b

minus. Et omnes qui pie volunt vivere in Christo Jesu, persecutionem patientur.

**ITEM ALIÆ**  
**Epistolæ, in communi**  
**unius Martyris.**

**Lectio Epistolæ B. Jacobi**  
**Apóstoli.**

**C**harissimi, Omne gaudium existimate cum in tentationes varias incidèritis: scientes, quòd probatio fidei vestræ patientiam operatur: patientia autem opus perfectum habet: ut sitis perfecti & integri, in nullo deficientes. Si quis autem vestrum indiget sapientia, postulet à Deo qui dat omnibus affluenter, & non impropèrat: & dabitur ei. Postulet autem in fide nihil hæsitans: qui enim hæsitat, similis est fluctui maris, qui à vento movètur, & circumfèrtur.

Jac.  
 1.

Non

Non ergo æstimet homo ille quòd accipiat aliquid à Domino. Vir duplex animo, incònstans est in omnibus viis suis. Gloriètur autem frater humilis in exaltatione sua: dives autem in humilitate sua, quoniam sicut flos foeni transibit. Exortus est enim sol cum ardore, & arefecit foenum, & flos ejus decidit, & decor vultus ejus depèriit: ita & dives in itineribus suis marcèscet. Beatus vir, qui suffert tentationem: quoniam cum probatus fuerit, accipiet coronam vitæ, quam repro-misit Deus diligentibus se.

**Lectio Epistolæ B. Petri**  
**Apóstoli.**

1.  
 Petr.  
 4.

**C**harissimi, Communicantes Christi passionibus, gaude-te, ut & in revelatione gloriæ ejus gaudeatis exultantes. Si exprobràmini in

nómine Christi, beati eritis: quoniam quod est honoris, gloriæ & virtutis Dei, & qui est ejus Spiritus, super vos requiescit. Nemo autem vestrum patiatur ut homicida, aut fur, aut malèdicus, aut alienòrum appetitor. Si autem ut Christiànus, non erubescat: glorificet autem Deum in isto nómine. Quoniam tempus est, ut incipiat judicium à domo Dei. Si autem primùm à nobis, quis finis eòrum qui non credunt Dei Evangelio? Et si justus vix salvabitur, impius & peccator ubi parèbunt? Itaque & hi qui patiuntur secundum voluntatem Dei, fideli Creatori commendent animas suas in benefactis.

**IN COMMUNI**  
**Mart. temp. Pasch. scilicet à Domin. in Oct. Paschæ, usque ad Vig. Pent.**

DE

**DE UNO MARTYRE.****Lectio libri Sapientiae.**Sap.  
5.

**S**tabunt iusti in magna constantia adversus eos, qui se angustiaverunt, & qui abstulerunt labores eorum. Videntes turbabuntur timore horribili, & mirabuntur in subitacione insperatae salutis, dicentes intra se, poenitentiam agentes, & praee angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios Dei, & inter sanctos sors illorum est.

**Epistol. supradicta dicitur etiam loco sequentis, & sequens loco praecedentis.**

**DE PLURIBUS****Martyribus tempore****Paschali.****Lectio Epistolae B. Petri Apostoli.**

**B**enedictus Deus & Pater Domini nostri Jesu Christi, qui secundum misericordiam suam magnam regeneravit nos in spem vitam per resurrectionem Jesu Christi ex mortuis, in hereditatem incorruptibilem, & incontaminatam & immarcescibilem, conservatam in caelis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, & gloriam, & honorem,

in

in revelatione Jesu Christi Domini nostri.

**IN COMMUNI Martyrum tempore Paschali, alia Epistola.****Lectio libri Apocalypsis B. Joannis Apostoli.**Apo.  
19.

**I**n diebus illis: Post haec ego Joannes audivi quasi vocem turbarum multarum in caelo, dicentium: Alleluia: Salus & gloria & virtus Deo nostro est: quia vera & justa judicia sunt ejus, qui judicavit de meretrice magna, quae corrumpit terram in prostitutione sua, & vindicavit sanguinem servorum suorum de manibus ejus. Et iterum dixerunt: Alleluia. Et fumus ejus ascendit in saecula saeculorum. Et ceciderunt seniores vigintiquatuor, & quatuor animalia, & adoraverunt Deum sedentem super thronum, dicentes:

Amen: Alleluia. Et vox de throno exivit, dicens: Laudem dicite Deo nostro omnes servi ejus, & qui timetis eum pusilli & magni. Et audivi quasi vocem turbae magnae, & sicut vocem aquarum multarum, & sicut vocem tonitruorum magnorum, dicentium: Alleluia: quoniam regnavit Dominus Deus noster omnipotens. Gaudeamus & exultemus, & demus gloriam ei: quia venerunt nuptiae Agni, & uxor ejus preparavit se. Et datum est illi ut cooperiat se byssino splendenti & candido. Byssinum enim justificationes sunt sanctorum. Et dixit mihi: Scribe: Beati qui ad coenam nuptiarum Agni vocati sunt.

**IN COMMUNI plurimor. Martyr. extra tempus Paschale.**

Hh

Lec-